

V

(Fógairtí)

NÓSANNA IMEACHTA A BHAINNEANN LEIS AN mBEARTAS IOMAÍOCHTA A
CHUR CHUN FEIDHME

AN COIMISIÚN EORPACH

Réamhfhógra maidir le comhchruinniú

(Cás M.10851 — CVC / PLATINUM IVY / TMF GROUP)

Cás a d'fhéadfaí a chur faoin nós imeachta simplithe

(Téacs atá ábhartha maidir le LEE)

(2022/C 325/04)

1. An 19 Lúnasa 2022, fuair an Coimisiún fógra maidir le comhchruinniú atá beartaithe, fógra a tugadh de bhun Airteagal 4 de Rialachán (CE) Uimh. 139/2004 ón gComhairle ⁽¹⁾.

Is leis na gnóthais seo a leanas a bhaineann an fógra sin:

- CVC Capital Partners SICAV-FIS S.A. (“CVC”, Lucsamburg),
- Platinum Ivy B 2018 RSC Limited (“Platinum”, Aontas na nÉimíróchtaí Arabacha), a bhaineann le hÚdarás Infheistíochta Abu Dhabi (“ADIA”, Aontas na nÉimíróchtaí Arabacha),
- TMF Sapphire Topco B.V. (an Ísiltír) agus a chuid fochuideachtaí (“TMF Group”), atá faoi rialú CVC.

Gheobhaidh CVC agus Platinum Ivy rialú comhpháirteach ar TMF Group de réir bhrí Airteagail 3(1)(b) agus 3(4) den Rialachán um Chumaisc.

Is trí cheannach scaireanna atá an comhchruinniú á dhéanamh.

2. Is iad seo a leanas gníomhaíochtaí gnó na ngnóthas lena mbaineann:

- Bainistíonn CVC agus a chuid fhochuideachtaí cistí agus ardáin infheistíochta. Tá leasanna ag cistí CVC i roinnt cuideachtaí i dtionscail éagsúla, tionscail na gceimiceán, na bhfóntas, na déantúsaíochta, an mhiondíola agus an dáilte san áireamh, san Eoraip, sna Stáit Aontaithe agus i réigiún an Aigéin Chiúin agus na hÁise go príomha,
- Déanann Platinum Ivy infheistíochtaí in aicme sócmhainní na gcothromas príobháideach i réigiúin gheografacha éagsúla, an tAontas Eorpach san áireamh. Is fochuideachta faoi lánúinéireacht ADIA é Platinum Ivy go hindíreach. Is éard atá in ADIA institiúid phoiblí a bhunaigh Rialtas Éimírócht Abu Dhabi mar institiúid infheistíochta neamhspleách. Bainistíonn ADIA punann infheistíochta domhanda thar níos mó ná dhá dosaen aicmí agus fochatagóirí sócmhainní,
- Is éard a dhéanann TMF Group go príomha seirbhísí seachfhoinsithe gnó agus comhlíontachta arna seachadadh go háitiúil (seirbhísí rúnaíochta corparáidí, seirbhísí cánach agus cuntasáíochta, seirbhísí dlí agus riaracháin, agus seirbhísí acmhainní daonna agus párolla san áireamh) a sholáthar do chorparáidí ilnáisiúnta, institiúidí airgeadais, cistí infheistíochta agus daoine rachmasacha aonair.

3. Tar éis réamhscrúdú a dhéanamh, is é cinneadh an Choimisiúin go bhféadfadh an t-idirbheart faoinar tugadh fógra a bheith faoi raon feidhme an Rialacháin um Chumaisc. Forchoimeádtar an cinneadh críochnaitheach maidir leis sin, áfach.

(1) IO L 24, 29.1.2004, lch. 1 (an “Rialachán um Chumaisc”).

De bhun an Fhógra ón gCoimisiún maidir le nós imeachta simplithe i ndáil le cóireáil comhchruinnithe áirithe faoi Rialachán (CE) Uimh. 139/2004 ón gComhairle ⁽²⁾, ba cheart a thabhairt faoi deara gur cás é seo ab fhéidir a chóireáil faoin nós imeachta a leagtar amach san Fhógra.

4. Iarrann an Coimisiún ar thríú páirtithe leasmhara aon bharúil a bheadh acu maidir leis an oibríocht atá beartaithe a chur faoi bhráid an Choimisiúin.

Ní mór na barúlacha a bheith faighte ag an gCoimisiún tráth nach déanaí ná 10 lá tar éis dháta foilsithe an fhoilseacháin seo. Ba cheart an tagairt seo a leanas a lua i gcónaí:

M.10851 — CVC / PLATINUM IVY / TMF GROUP

Is féidir barúlacha a sheoladh chuig an gCoimisiún le ríomhphost, le facs nó tríd an bpost. Baintear úsáid as na sonraí teagmhála seo thíos:

R-phost: COMP-MERGER-REGISTRY@ec.europa.eu

Facs +32 22964301

Seoladh poist:

European Commission
Directorate-General for Competition
Merger Registry
1049 Bruxelles/Brussel
BELGIQUE/BELGIË

⁽²⁾ IO C 366, 14.12.2013, lch. 5.